



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-3-40-118-4/22
Datum: 12.4.2022. godine

«Agencija za vodno područje rijeke Save» Sarajevo rješavajući po zahtjevu pravnog lica «BP MEROL» d.o.o. Ilijaš, za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima „BP MEROL“ Ilijaš, izgrađene u naselju Podlugovi, općina Ilijaš, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Pravnom licu «BP MEROL» d.o.o. Ilijaš daje se vodna dozvola za ispuštanje oborinskih onečišćenih voda sa lokacije benzinske stanice sa pratećim sadržajima „BP MEROL“ Ilijaš, izgrađene na zemljištu označenom kao k.č. broj 1167/5 K.O. Podgora, općina Ilijaš.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u dvoplašnim čeličnim podzemnim rezervoarima ukupne zapremine $V = 210 \text{ m}^3$.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se oborinske onečišćene vode sa platoa oko istakališta, saobraćajnih i manipulativnih površina benzinske stanice prikupljaju sistemom slivnika sa slivnom rešetkom i putem kanalizacione mreže odvedu do trokomornog betonskog separatora ulja i naftnih derivata, a zatim odvedu do ispusta izvedenog u rijeku Bosnu.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.7. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će

obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.8. Da prikupljanje, odvoz i konačno zbrinjavanje opasnog otpada sa lokacije predmetne benzinske stanice sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Da se osiguraju priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «PB MEROL» d.o.o. Ilijaš je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

«BP MEROL» d.o.o. Ilijaš se pismenim zahtjevom obratio ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima «BP MEROL» u Ilijašu, izgrađene na zemljištu označenom sa k.č. broj 1167/5 K.O. Podgora, općina Ilijaš.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o upisu subjekta upisa u sudski registar Kantonalnog suda u Sarajevu, broj: UF/I-487/03 dana 22.05.2003. godine;

- Ovjerena kopija uvjerenja o poreznoj registraciji, izdatog od strane Federalnog ministarstva finansija, Porezna uprava - Kantonalni ured Sarajevo dana 27.05.2003. godine;
- Kopija Rješenja o odobrenju za građenje na promjeni namjene dijela prodajnog objekta benzinske pumpe u Podlugovima, donesenim od strane Službe za prostorno uređenje i stambeno-komunalne poslove Općine Ilijaš, broj: 03-23-621/05 dana 06.05.2005. godine;
- Kopija Rješenja okolinske dozvole izdatog od strane Ministarstva prostornog uređenja, građenja i zaštite okoliša Kantona Sarajevo, broj: 05-23-16024/19 DŽD dana 05.12.2019. godine;
- Kopija Rješenja o vodnoj dozvoli broj: UP-I/25-3-40-058-4/17 od 22.02.2017. godine donesenog od strane Agencije za vodno područje rijeke Save;
- Kopije faktura o čišćenju separatora, odvozu i zbrinjavanju opasnog otpada datih od strane „DELTA PETROL“ d.o.o. Kakanj;
- Godišnji izvještaj – monitoring i ispitivanje količine i kakvoće otpadne vode, urađen od strane „Hercon“ d.o.o. Mostar, april 2021. godine;
- Plan aktivnosti, urađen od strane „Institut za hidrotehniku Građevinskog fakulteta u Sarajevu“, april 2013. godine (na uvid);
- Investiciono- tehnička dokumentacija urađena od strane „RMK INŽENJERING“ Zenica, broj: 04 od 01.02.2001. godine (na uvid);
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-118-2/22 dana 28.03.2022. godine.

Na osnovu dostavljene dokumentacije i uviđaja izvršenog na licu mjesta utvrđeno je sljedeće:

Na lokalitetu predmetne benzinske stanice nalaze se sljedeći objekti: agregati za istakanje goriva sa nadstrešnicom, ukopani dvoplašni rezervoari za skladištenje nafte i naftnih derivata, market, kancelarijski prostor, sanitarne prostorije, skladišni prostor, saobraćajne i parking površine.

Osnovna djelatnost pravnog subjekta „BP MEROL“ u Podlugovima je maloprodaja nafte i naftnih derivata. Skladištenje nafte i naftnih derivata se vrši u četiri podzemna dvoplašna čelična rezervoara ukupne zapremine 210 m³.

Vodosnabdijevanje objekata se vrši iz gradskog vodovodnog sistema.

Onečišćene oborinske vode sa manipulativnih, saobraćajnih i parking površina benzinske stanice prikupljaju se putem slivnika sa slivnom rešetkom i internom kanalizacionom mrežom vode do trokomornog betonskog separatora ulja i naftnih derivata, a zatim odvođe preko okna za monitoring do ispusta izvedenog u rijeku Bosnu.

Monitoring prečišćenih voda se vrši uzimanjem uzoraka vode iz okna za monitoring od strane ovlaštene laboratorije „HERCON“ d.o.o. Mostar. Dobivene vrijednosti ispitanih parametara su u granicama dozvoljenih vrijednosti.

Čišćenje separatora i zbrinjavanje opasnog otpada se vrši od strane ovlaštene firme „DELTA PETROL“ d.o.o. Kakanj.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima

načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**za Po ovlaštenju
Rukovodilac sektora za
izdavanje vodnih akata**



Haris Ališehović, dipl.inž.građ.

Dostaviti:

- «BP MEROL» d.o.o. Ilijaš, Moševačka bb, 71 380 Ilijaš
- ➔ AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna ploča AVP Sava